



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ**

ՎԵՐԼՈՒԾԱԿԱՆ ՏԵՂԵԿԱՆՔ

«ՔոնթուրԳլոբալ Հիդրո Կասկադ» ՓԲԸ-ի կողմից 2019 թվականի գնումների պլանի մոնիթորինգի արդյունքների վերաբերյալ

ԵՐԵՎԱՆ 2019

Բովանդակություն

Նախաբան	3
1. «ՔոնթուրԳլոբալ Հիդրո Կասկադ» ՓԲԸ-ի 2019 թվականի գնումների պլանի կառուցվածքը ...	4
2. «ՔոնթուրԳլոբալ Հիդրո Կասկադ» ՓԲԸ-ի 2019 թվականի գնումների պլանի մոնիթորինգի արդյունքները.....	5

Նախաբան

Սույն վերլուծական տեղեկանքը մշակվել է ի կատարումն ՀՀ հանրային ծառայությունները կարգավորող հանձնաժողովի (այսուհետև՝ հանձնաժողով) 2019 թվականի աշխատանքային ծրագրի (այսուհետև՝ Որոշում 1) 11-րդ կետի և արտացոլում է հանձնաժողովի 2017 թվականի սեպտեմբերի 13-ի №391Ա որոշման (այսուհետև՝ Որոշում 2) №1 հավելվածով հաստատված ցանկում ընդգրկված հանրային կազմակերպությունների կողմից կազմված և հրապարակված գնումների պլանի համապատասխանության գնահատումը հանձնաժողովի Որոշում 2-ով սահմանված լրացուցիչ պահանջներին:

Հանրային կազմակերպությունների գնումների պլանի մոնիթորինգը ներառում է հանրային կազմակերպությունների կարիքներին համապատասխան ձեռքբերվող ապրանքների, աշխատանքների և ծառայությունների քանակի և ժամանակացույցի գնահատումը:

Վերլուծական տեղեկանքը կազմվել է «ՔոնթուրԳլոբալ Հիդրո Կասկադ» ՓԲԸ-ի (այսուհետև՝ նաև Ընկերություն) 2019 թվականի տարեկան հաստատված բյուջեի (միայն հանձնաժողովի հետ համաձայնեցված ներդրումային ծրագրերի իրականացման նպատակով կատարվող գնումների մասով) հիման վրա կազմված և հանձնաժողով ներկայացված գնումների պլանի մոնիթորինգի արդյունքում:

1. «ՔոնթուրԳլոբալ Հիդրո Կասկադ» ՓԲԸ-ի 2019 թվականի գնումների պլանի կառուցվածքը

«ՔոնթուրԳլոբալ Հիդրո Կասկադ» ՓԲԸ-ն՝ համաձայն ՀՀ հանրային ծառայությունները կարգավորող հանձնաժողովի Որոշում 2-ով սահմանված լրացուցիչ պահանջների ընկերության պաշտոնական կայքում և ֆինանսների նախարարության գնումների տեղեկագրում հրապարակել է 2019 թվականի համար հաստատված բյուջեի հիման վրա կազմված գնումների պլանը:


Համաձայն հրապարակված գնումների պլանի, 2019 թվականին ընկերությունը նախատեսում է հանձնաժողովի հետ համաձայնեցված ներդրումային ծրագրերի իրականացման նպատակով կատարել 3,5 մլրդ դրամի (առանց ԱԱՀ) գնում, որի վերաբերյալ տվյալներն ըստ գնման առարկայի ներկայացված են աղյուսակ 1-ում:

Աղյուսակ 1


	Գնման առարկա	Գնումների պլանային արժեքը մլն դրամ (առանց ԱԱՀ)	Գնման ուղղության մասնաբաժինը ընդհանուր գնումներում
1	2	3	4
1	Աշխատանք	2 256,5	64,6%
2	Ապրանք	1 238,1	35,4%
	Ընդամենը	3 494,6	100%

Գնումները նախատեսվում է իրականացնել երկու ընթացակարգով՝ բաց մրցույթ և գնանշմամբ հարցում: Ըստ գնման ընթացակարգերի պլանավորված գործարքների վերաբերյալ տվյալներն ամփոփված են աղյուսակ 2-ում:

№	Գնման ընթացակարգեր	Պլանավորված գնումների քանակը (հատ)	Գնման ընթացակարգի մասնաբաժինը ընդհանուր գնումների մեջ (քանակային)	Գնումների սկզբնական պլանավորված արժեքը, մլն դրամ (առանց ԱԱՀ)	Գնման ընթացակարգի մասնաբաժինը ընդհանուր գնումների մեջ (գումարային)	Գնման գործընթացի մեկնարկի ժամկետները (2019թ.)
1	2	3	4	5	6	7
1	Բաց մրցույթ	47	81,0%	2 110,4	60,4%	հունվար-օգոստոս
2	Գնանշմամբ հարցում	11	19,0%	1 384,2	39,6%	փետրվար-մայիս
	Ընդամենը	58	100%	3 494,6	100%	



Նկար 1. Գնման ընթացակարգի մասնաբաժինը ընդհանուր գնումների մեջ (քանակային)



Նկար 2. Գնման ընթացակարգի մասնաբաժինը ընդհանուր գնումների մեջ (գումարային)

2. «ՔոնթուրԳլոբալ Հիդրո Կասկադ» ՓԲԸ-ի 2019 թվականի գնումների պլանի մոնիթորինգի արդյունքները

Ընկերության գնումների պլանի մոնիթորինգի արդյունքներից կարելի է փաստել, որ.

1. գնումների պլանը ընկերության պաշտոնական կայքում և ֆինանսների նախարարության գնումների պաշտոնական տեղեկագրում հրապարակվել է հանձնաժողովի Որոշում 2-ով սահմանված ժամկետում,
2. որոշ ապրանքներ և աշխատանքներ (Լրացուցիչ ռելեական պաշտպանության սարքերի տեղադրում Տաթև, Շամբ և Սպանդարյան ՀԷԿ-երում), որոնց գինը

գերազանցում է բաց մրցույթի կազմակերպման համար սահմանված նվազագույն շեմը, նախատեսվել է իրականացնել գնանշմամբ հարցման ընթացակարգով:

Այս համատեքստում հարկ է նշել, որ անհրաժեշտ է հինգ աշխատանքային օրվա ընթացքում վերահրապարակել գնումների պլանը «ՔոնթուրԳլոբալ Հիդրո կասկադ» ՓԲԸ-ի պաշտոնական կայքում և ՀՀ ֆինանսների նախարարության գնումների պաշտոնական տեղեկագրում՝ հանձնաժողովի Որոշում 2-ի 13-րդ կետին համապատասխան՝ հաշվի առնելով մոնիթորինգի արդյունքներով ներկայացված թերությունները:

Հղումներ

- Որոշում 1. Հանձնաժողովի 2018 թվականի դեկտեմբերի 5-ի «Հայաստանի Հանրապետության հանրային ծառայությունները կարգավորող հանձնաժողովի 2019 թվականի աշխատանքային ծրագիրը հաստատելու մասին» N°447L որոշում,
- Որոշում 2. Հանձնաժողովի 2017 թվականի սեպտեմբերի 13-ի «Գնումների կարգերի նկատմամբ լրացուցիչ պահանջների սահմանման ենթակա հանրային կազմակերպությունների ցանկը հաստատելու, այդ կազմակերպությունների գնումների կարգերի նկատմամբ լրացուցիչ պահանջներ սահմանելու և Հայաստանի Հանրապետության հանրային ծառայությունները կարգավորող հանձնաժողովի 2014 թվականի մարտի 26-ի N°61Ա որոշումն ուժը կորցրած ճանաչելու մասին» N°391Ա որոշում: